

os criterios de repartición do Fondo de Compensación Ambiental, publicada no DOG nº 125, do 2 de xullo, cómpre facer a seguinte corrección:

Na páxina 12.080, artigo 10º.1.a), onde di:

«a) Factura ou certificación de obra no modelo oficial (...)»

Debe dicir:

«a) Factura e certificación de obra no modelo oficial (...)».

## CONSELLERÍA DE EDUCACIÓN E ORDENACIÓN UNIVERSITARIA

*Orde do 4 de outubro de 2010 pola que se convocan os premios de educación secundaria obrigatoria ao esforzo e á superación persoal correspondentes ao curso 2009-2010.*

A Lei orgánica 2/2006, do 3 de maio, de educación, establece entre os seus principios o de proporcionar unha educación de calidade para todo o alumnado independentemente das súas condicións e circunstancias, xunto coa equidade na súa repartición. Así mesmo, determina que o sistema educativo se orientará, entre outros fins, á consecución dunha educación baseada na responsabilidade individual, o mérito e o esforzo persoal e o desenvolvemento da capacidade do alumnado para regular a súa propia aprendizaxe e confiar nas súas aptitudes e coñecementos, e ao desenvolvemento da creatividade, a iniciativa persoal e o espírito emprendedor.

O Decreto 133/2007, do 5 de xullo, polo que se regulan as ensinanzas da educación secundaria obrigatoria na Comunidade Autónoma de Galicia, establece no seu artigo 13 que a dita etapa se organiza de acordo cos principios de educación común e atención á diversidade e que as medidas que se establezan neste ámbito estarán orientadas a responder ás necesidades educativas concretas do alumnado e á consecución das competencias básicas e dos obxectivos da etapa, e non poderán, en ningún caso, supoñer unha discriminación que lles impida alcanzar os devanditos obxectivos e a titulación correspondente.

Conscientes, igualmente, da importancia de recoñecer e valorar publicamente os comportamentos excepcionais dos alumnos e alumnas dos niveis da educación básica, de seguir avanzando na consecución dunha igualdade de oportunidades efectiva, e de procurar un ensino comprensivo e integrador, a Consellería de Educación e Ordenación Universitaria, para regular e convocar os premios de educación

secundaria obrigatoria ao esforzo e á superación persoal correspondentes ao curso 2009-2010,

### DISPÓN:

#### Artigo 1º.-*Obxecto e ámbito de aplicación.*

Convócanse en Galicia os premios de educación secundaria obrigatoria ao esforzo e á superación persoal correspondentes ao curso 2009-2010 co obxecto de dar recoñecemento público ao esforzo e dedicación do alumnado desta etapa educativa, reforzar aqueles aspectos que inciden na mellora do sistema educativo e xuntar excelencia con equidade, igualdade de oportunidades e posibilidades de desenvolvemento persoal.

#### Artigo 2º.-*Número e características dos premios.*

1. Poderase conceder ata un máximo de 20 premios.
2. A Consellería de Educación e Ordenación Universitaria contribúe con 7.320 € con cargo á aplicación 09.04.423A.480.1 dos orzamentos xerais da Comunidade Autónoma de Galicia para o ano 2010. *Caixanova* contribúe con 7.320 € segundo o disposto no convenio entre a Xunta de Galicia e *Caixanova* do 19 de xullo de 2010.

3. A dotación económica de cada premio é de 732 €.

#### Artigo 3º.-*Requisitos de participación.*

Poderá optar aos premios de educación secundaria obrigatoria ao esforzo e á superación persoal o alumnado que reúna as seguintes condicións:

1. Cursar durante o curso 2009-2010 cuarto curso de educación secundaria obrigatoria no réxime ordinario en calquera dos centros da Comunidade Autónoma de Galicia.

2. Estar proposto polo equipo docente para a expedición do título de graduado en educación secundaria.

3. Os alumnos e alumnas que sexan candidatos/as ao premio deberán merecer un especial recoñecemento pola dedicación e esforzo demostrado ao longo da etapa en superar as súas dificultades, ben de tipo persoal, educativas e/ou do contorno familiar e sociocultural, polo que se significan singularmente, e se fan merecedores de optar a esta modalidade de premios.

4. O perfil obxecto destes premios correspóndese co alumnado:

a) Que procede de contornos socioculturais desfavorecidos ou de contornos familiares disfuncionais que supoñan desvantaxe manifesta para conseguir rematar os seus estudos.

b) En proceso de superación de enfermidades crónicas ou con discapacidades que condicionan o seu

rendemento escolar, a súa relación persoal e a súa inserción social.

5. A obtención destes premios non supón incompatibilidade coa obtención doutros galardóns.

6. Cumprir os requisitos para obter a condición de beneficiario de acordo co artigo 10 da Lei 9/2007, do 13 de xuño, de subvencións de Galicia, de estar ao día no cumprimento das obrigas tributarias ou fronte a Seguridade Social e de non ter pendente de pagamento ningunha débeda coa Administración pública da comunidade autónoma segundo o indica o artigo 11 do Decreto 11/2009, do 8 de xaneiro, polo que se aproba o Regulamento da Lei 9/2007.

#### Artigo 4º.-*Documentación.*

1. O alumnado que, reunindo os requisitos indicados, desexe optar aos premios nesta modalidade, deberá solicitálo na secretaría do centro educativo en que se atope o seu expediente académico coa autorización do pai/nai ou representantes legais se son menores de idade.

2. Para formalizar a inscrición deberá presentar a seguinte documentación:

a) Folla de inscrición cuberta segundo o modelo do anexo I desta orde.

b) Declaración responsable de ter ou non ter percibido ou solicitado outras axudas ou premios convocados co mesmo fin polas administracións públicas competentes segundo o modelo do anexo II desta orde, co que se entenderá cumprido o mesmo requisito exixido previo ao último pagamento, no caso de non producirse variación.

3. Os centros educativos elaborarán e xuntarán á documentación anterior os documentos que a seguir se relacionan:

a) O alumnado que non teña o seu expediente de educación secundaria obrigatoria recollido na base de datos da aplicación XADE, certificación académica dos estudos obxecto de baremo, onde se reflicte a cualificación final media, asinada polo/a secretario/a co visto e prace do/a director/a do centro educativo en que se atope o expediente académico.

i. A nota media será a media aritmética das cualificacións en todas as materias dos catro cursos da etapa. A media aritmética das cualificacións da etapa exprésase con dous decimais, arredondada á centésima máis próxima e, en caso de equidistancia, á superior, e deberá reflectirse na certificación académica.

ii. Segundo o establecido nas disposicións adicionais do Decreto 133/2007 polo que se regulan as ensinanzas da educación secundaria obrigatoria, para a obtención da nota media non se terá en conta a área de relixión.

iii. As áreas validadas ou exentas non serán tidas en conta para o cálculo da nota media.

b) Informe xustificativo da proposta realizada segundo o indicado no artigo 7º. O dito informe será elaborado pola comisión establecida no artigo 6º e nel darase conta das especiais condicións da escolaridade do alumno ou alumna proposto/a.

c) Ademais da documentación anterior, poderá xuntarse tanta documentación se considera necesaria para acreditar os méritos da persoa candidata.

d) Documento xustificativo da transferencia de datos que se imprimirá, unha vez introducidos os datos do alumnado na aplicación informática <http://www.edu.xunta.es/premioseso>.

4. Ata o día posterior ao de finalización do prazo de solicitude, os centros educativos remitirán a documentación, por envío urxente, ao Servizo de Avaliación e Calidade do Sistema Educativo da Dirección Xeral de Educación, Formación Profesional e Innovación Educativa, edificio administrativo San Caetano s/n, 15781, Santiago de Compostela.

5. Sen prexuízo do anterior, o alumnado, poderá presentar a documentación na forma prevista no artigo 38.4º da Lei de réxime xurídico das administracións públicas e de procedemento administrativo común.

6. De acordo co establecido no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, se a solicitude non reunise os requisitos precisos requirirase o interesado para que, no prazo de dez días, emende a falta ou achegue os documentos preceptivos, e indicáraselle que, de non facelo, se considerará como desistido da súa petición, e esta arquivarase logo de resolución que deberá ditarse nos termos do artigo 42.1º da citada lei.

7. O alumnado recibirá no seu correo electrónico un código alfanumérico co cal poderá identificarse nas listas das candidaturas, nas resolucións e na orde de resolución da convocatoria no DOG.

#### Artigo 5º.-*Prazo de presentación de solicitudes.*

O alumnado que, reunindo os requisitos indicados, desexe optar aos premios de educación secundaria obrigatoria ao esforzo e á superación persoal, deberá solicitálo no prazo dun mes a partir do día seguinte ao da publicación desta orde no *Diario Oficial de Galicia*.

Artigo 6º.-*Comisión para elaborar o informe co perfil do/a alumno/a.*

1. Nos centros educativos constituirase unha comisión formada pola dirección do centro, a xefatura de estudos, a xefatura do departamento de orientación e o/a titor/a do/a candidato/a durante o curso 2009-2010 ou, na ausencia deste, un/unha profesor/a, preferentemente do/a alumno/a, nomeado/a pola dirección do centro educativo.

2. Esta comisión será a encargada de informar do perfil do alumnado que solicita participar neste premio, tendo en conta o esforzo persoal realizado e as súas dificultades persoais, educativas e/ou do contorno familiar e sociocultural. O informe realizarase sobre a base ao que se refire o artigo 7º.

3. O acordo reflectirase en acta.

Artigo 7º.-*Informe co perfil do/a alumno/a.*

Co fin de que a comisión de selección prevista no artigo 9º poida analizar a idoneidade das solicitudes, no informe do perfil do/a alumno/a previsto no artigo 4º.3 b) farase constar:

1. A descrición exhaustiva e razoada das dificultades persoais, educativas ou do contorno sociofamiliar da persoa candidata, que a xuízo do equipo docente dificultaron o seu desenvolvemento educativo.

2. As medidas de apoio adoptadas polo centro educativo en relación ás necesidades educativas do alumno ou alumna e a súa repercusión no progreso escolar.

3. O grao de consecución das competencias e dos obxectivos da etapa e a persistencia no seu logro, así como a valoración do esforzo persoal.

4. A descrición e xustificación de calquera outra circunstancia que a xuízo da comisión do centro educativo mereza ser tida en conta.

Artigo 8º.-*Publicación das candidaturas.*

1. A relación provisional de admitidos e excluídos farase pública nos dez días naturais posteriores á finalización do prazo de solicitude no portal educativo da Xunta de Galicia [www.edu.xunta.es/portal](http://www.edu.xunta.es/portal), que recollerá a relación dos códigos alfanuméricos do alumnado. Os interesados poderán presentar contra ela as alegacións que consideren oportunas nun prazo de dez días hábiles a partir da data de publicación.

2. O prazo máximo para publicar a relación definitiva de admitidos e excluídos, no portal educativo [www.edu.xunta.es/portal](http://www.edu.xunta.es/portal), será dun mes desde o día seguinte ao da finalización do prazo de solicitude.

Artigo 9º.-*Comisión de selección dos aspirantes ao premio.*

1. Co fin de supervisar e valorar os méritos dos participantes, constituirase unha comisión presidida polo director xeral de Educación, Formación Profesional e Innovación Educativa ou persoa en quen delegue, a xefa do Servizo de Avaliación e Calidade do Sistema Educativo e ata un máximo de catro vogais máis, pertencentes aos corpos de inspectores de educación ou dos corpos de profesorado de ensino secundario, designados pola Dirección Xeral de Educación, Formación Profesional e Innovación Educativa. Actuará como secretario ou secretaria, con voz e sen voto, un funcionario ou funcionaria da Dirección Xeral de Educación, Formación Profesional e Innovación Educativa.

2. A comisión de selección valorará as propostas presentadas atendendo aos seguintes criterios:

a) No informe e na documentación complementaria achegada valoraranse as dificultades persoais (ata 4 puntos), as dificultades familiares e socioculturais (ata 4 puntos) e o aproveitamento e esforzo (ata 2 puntos).

b) A nota media das cualificacións obtidas na etapa de educación secundaria obrigatoria.

3. A valoración final expresarase con dous decimais, redondeada á centésima máis próxima e, en caso de equidistancia, á superior, e será o resultado de sumar o 60% da valoración dos números 2.a) e 40% do 2.b) deste artigo.

4. A comisión de selección resolverá os empates tendo en conta:

1º Maior valor da nota media do expediente académico.

2º Maior puntuación no informe co perfil do alumnado.

5. A comisión de selección poderá declarar deserto algún dos premios.

6. A percepción de asistencias deste tribunal atarase á categoría correspondente que determine a Dirección Xeral da Función Pública da Consellería de Facenda, segundo o disposto no Decreto 144/2001, do 7 de xuño, sobre indemnizacións por razón do servizo ao persoal con destino na Administración autonómica de Galicia.

Artigo 10º.-*Resolución provisional da concesión dos premios.*

1. A comisión fará pública a relación provisional dos códigos alfanuméricos das persoas propostas para premio no portal educativo [www.edu.xunta.es/portal](http://www.edu.xunta.es/portal). O alumnado recibirá no seu correo electrónico as valoracións parciais e a total que lle concedeu a comisión de selección.

2. Contra ela poderase presentar reclamación mediante instancia dirixida á presidenta ou presidente da comisión de selección, presentándoa no Rexistro Único da Xunta de Galicia, edificio administrativo San Caetano de Santiago de Compostela, no prazo de dez días hábiles a partir do seguinte ao da súa publicación.

*Artigo 11º.-Resolución definitiva.*

1. Unha vez resoltas as reclamacións, a comisión elaborará a acta coa proposta definitiva de adxudicación dos premios.

2. O director xeral de Educación, Formación Profesional e Innovación Educativa elevará a dita proposta para a publicación no *Diario Oficial de Galicia* da Consellería de Educación e Ordenación Universitaria da resolución de concesión ditada polo conselleiro de Educación e Ordenación Universitaria. O *Diario Oficial de Galicia* recollerá a relación de códigos alfanúmericos dos premiados.

3. O prazo máximo para notificar a resolución deste procedemento será de tres meses desde o día seguinte ao do remate do prazo de presentación de solicitudes, tendo efectos desestimatorios a falta de resolución expresa nese período.

4. Contra a resolución de adxudicación dos premios poderase interpoñer recurso potestativo de reposición ante o conselleiro de Educación e Ordenación Universitaria no prazo dun mes, a partir do día seguinte ao da data de publicación no *Diario Oficial de Galicia*, segundo o disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben impugnala directamente na vía xurisdiccional ante a Sala do Contencioso-Administrativo do Tribunal Superior de Xustiza de Galicia, no prazo de dous meses desde tal publicación, de conformidade coa Lei 29/1998, do 13 de xullo, reguladora da xurisdicción contencioso-administrativa.

*Artigo 12º.-Obriga dos/as gañadores/as.*

1. O alumnado gañador dos premios ten a obriga de someterse ás actuacións de comprobación que poidan efectuar os órganos de comprobación competentes, para o que achegará canta información lle sexa requirida, de acordo co artigo 11 da Lei 9/2007.

2. O alumnado premiado presentará certificación de titularidade dunha conta bancaria con 20 díxitos en que se ingresará mediante transferencia bancaria a dotación do premio. Esta cantidade estará suxeita ás retencións que legalmente correspondan.

3. O beneficiario ten a obriga do reintegro, total ou parcial, da subvención ou da axuda pública percibida no suposto de incumprimento das condicións establecidas para a súa concesión, tal como indica o

artigo 14 j) da Lei 9/2007, do 13 de xuño, de subvencións de Galicia.

*Artigo 13º.-Información aos/ás interesados/as.*

Ademais da información recollida no *Diario Oficial de Galicia*, o alumnado poderá informarse do proceso e facer consultas no portal educativo <http://www.edu.xunta.es/portal>, na páxina de inicio da aplicación <http://www.edu.xunta.es/premioseso> e no teléfono 902 905 445 da Unidade de Atención a Centros (UAC).

*Artigo 14º.-Modificación da resolución de concesión.*

Toda alteración das condicións tidas en conta para a concesión dos premios poderá dar lugar á modificación ou resolución no premio concedido, conforme o artigo 23 da Lei 9/2007.

*Artigo 15º.-Transparencia das prácticas da administración.*

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a Consellería de Educación e Ordenación Universitaria publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

*Disposicións derradeiras*

Primeira.-Autorízase a Dirección Xeral de Educación, Formación Profesional e Innovación Educativa para adoptar os actos e medidas necesarias para a aplicación desta orde.

Segunda.-Esta orde poderá ser impugnada mediante recurso potestativo de reposición ante o conselleiro de Educación e Ordenación Universitaria no prazo dun mes, a partir do día seguinte ao da data de publicación no *Diario Oficial de Galicia*, segundo o disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben impugnala directamente na vía xurisdiccional ante a Sala do Contencioso-Administrativo do Tribunal Superior de Xustiza de Galicia, no prazo de dous meses desde tal publicación, de conformidade coa Lei 29/1998, do 13 de xullo, reguladora da xurisdicción contencioso-administrativa.

Terceira.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 4 de outubro de 2010.

Xesús Vázquez Abad  
Conselleiro de Educación e Ordenación  
Universitaria



**XUNTA DE GALICIA**  
CONSELLERÍA DE EDUCACIÓN  
E ORDENACIÓN UNIVERSITARIA

## ANEXO I

PROCEDEMENTO <b>PREMIOS DE ESO AO ESFORZO E SUPERACIÓN PERSOAL</b>	CÓDIGO DO PROCEDEMENTO <b>ED311E</b>	DOCUMENTO <b>SOLICITUDE</b>
---	---	--------------------------------

## DATOS DO/A SOLICITANTE

PRIMEIRO APELIDO	SEGUNDO APELIDO	NOME	NIF
ENDEREZO (PARA EFECTOS DE COMUNICACIÓN)		PROVINCIA	
CONCELLO	LOCALIDADE	CÓDIGO POSTAL	TELÉFONO
CORREO ELECTRÓNICO			TELÉFONO MÓBIL
CENTRO EDUCATIVO EN QUE CURSOU 4º CURSO DA ESO			
PROVINCIA	CONCELLO	LOCALIDADE	CÓDIGO POSTAL

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería da Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

SI  NON

## QUEN ABAIXO ASINA:

Declárase responsable do cumprimento dos requisitos para obter a condición de beneficiario de acordo co artigo 10 da Lei 9/2007, de subvencións de Galicia.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude, se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido a esta consellería como responsable do ficheiro (o enderezo figura ao pé desta solicitude).

De conformidade cos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, autorizo expresamente a consellería á publicación no *Diario Oficial de Galicia*, na súa páxina web oficial e nos rexistros públicos correspondentes, dos datos de carácter persoal que exixen as referidas normas, referidos tanto á información sobre as axudas concedidas como ás sancións, que como consecuencia delas puidesen impoñerse.

## LEXISLACIÓN APLICABLE

*Orde do 4 de outubro de 2010 pola que se convocan os premios de educación secundaria obrigatoria ao esforzo e á superación persoal correspondentes ao curso 2009-2010.*

SINATURA DO/A SOLICITANTE OU PERSOA QUE O REPRESENTA

Lugar e data

, de de

## (Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA



ANEXO II

**DECLARACIÓN DE CONXUNTO DE TODAS AS SOLICITUDES DE PREMIOS E AXUDAS EFECTUADAS OU CONCEDIDAS PARA O MESMO PROXECTO**

Don/Dona  , con NIF nº

**DECLARA QUE:**

O/A interesado/a non ten solicitada nin concedida axuda ou premio ningún para a mesma finalidade por ningunha das administracións públicas competentes.

Nas datas e polos importes que se relacionan, presentou solicitude/s e foi/fóronlle concedida/s, de ser o caso, a/s seguinte/s axudas para o mesmo fin:

DENOMINACIÓN DO ORGANISMO OU ENTIDADE PÚBLICA A QUE LLE FOI SOLICITADO O PREMIO OU A AXUDA	DATAS DE		IMPORTE	
	SOLICITUDE	CONCESIÓN <sup>(1)</sup>	SOLICITUDE	CONCESIÓN <sup>(2)</sup>
<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>	<input type="text"/>	<input type="text"/>

(1) No caso de estar pendente a resolución dalgunha solicitude, indicárase *PENDENTE* nesta columna. No caso de solicitudes denegadas farase constar como *DENEGADA*.

(2) Nas solicitudes denegadas farase constar "0" nesta columna.

Lugar e data \_\_\_\_\_ , de \_\_\_\_\_ de \_\_\_\_\_

(Sinatura do/a responsable da solicitude)

Asdo.:

Director xeral de Educación, Formación Profesional e Innovación Educativa. Consellería de Educación e Ordenación Universitaria. San Caetano s/n , 15781 Santiago de Compostela.

*Orde do 4 de outubro de 2010 pola que se convocan os premios extraordinarios de educación secundaria obrigatoria ao rendemento académico correspondentes ao curso 2009-2010.*

A Lei orgánica 2/2006, do 3 de maio, de educación, establece entre os seus principios o de proporcionar unha educación de calidade para todo o alumnado independentemente das súas condicións e circunstancias, xunto coa equidade na súa repartición. Así mesmo, determina que o sistema educativo se orientará, entre outros fins, á consecución dunha educación baseada na responsabilidade individual, o mérito e o esforzo persoal e o desenvolvemento da capacidade do alumnado para regular a súa propia aprendizaxe, confiar nas súas aptitudes e coñecementos e ao desenvolvemento da creatividade, á iniciativa persoal e ao espírito emprendedor.

O Decreto 133/2007, do 5 de xullo, polo que se regulan as ensinanzas da educación secundaria obrigatoria na Comunidade Autónoma de Galicia, esta-

blece no seu artigo 13 que a dita etapa se organiza de acordo cos principios de educación común e atención á diversidade e que as medidas que se establezan neste ámbito estarán orientadas a responder ás necesidades educativas concretas do alumnado e á consecución das competencias básicas e dos obxectivos da etapa, e non poderán, en ningún caso, supoñer unha discriminación que lles impida alcanzar os devanditos obxectivos e a titulación correspondente.

Conscientes da importancia de recoñecer e valorar publicamente os méritos excepcionais baseados no esforzo e no traballo do alumnado que cursou cun excelente resultado académico a educación secundaria obrigatoria na Comunidade Autónoma de Galicia, a Consellería de Educación e Ordenación Universitaria, facendo uso das atribucións que ten conferidas e de acordo co disposto na Lei 9/2007, do 13 de xuño, de subvencións de Galicia, e no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, para convocar e regular as